

Reykjavík, 20. desember 2017

Svandís Svavarsdóttir, heilbrigðisráðherra
Skógarhlíð 6,
105 Reykjavík

Knýjandi þörf á bættri þjónustu við fólk með heilaskaða á Íslandi.

Á hverju ári hljóta um 1.000-1.500 manns heilaáverka á Íslandi. Meirihluti börn undir 19 ára aldri. Flestir einstaklingar sem hljóta heilaáverka jafna sig nokkuð vel, en gera má ráð fyrir því að um 200-350 einstaklingar glími við langvarandi afleiðingar og jafnvel fötlun vegna þess. Stór hluti þeirra endar með skerta getu og á örorku. Í dag er hvorki heildstæð stefna til í þessum málefnum né verkferlar til að fylgja eftir greiningu og meðferð þessara einstaklinga. Það er bráðnauðsynlegt og samféluginu til heilla að þessir einstaklingar öðlist betri aðgang að þjónustu í heilbrigðiskerfinu og í samféluginu. Í dag hljóta einungis um 10-20% sérhæfða meðferð, en það er einungis brot af þeim fjölda sem parf á meðferð að halda, eftir sitja um 80-90% án greiningar, meðferðar og eftirfylgni. Í heilbrigðiskerfinu er ekki til skilgreint greiningarferli eða formleg endurhæfing fyrir börn með heilaskaða. Af þeim riflega 500 einstaklingum undir 19 ára aldri sem fá heilaáverka árlega fá einungis 1-3 einstaklingar og meðferð sem er ekki endilega sérhæfð fyrir börn með heilaskaða. Með rétti greiningu, góðu utanumhaldi, endurhæfingu, stuðningi og fræðslu er hægt að bæta líf og líðan þessara einstaklinga og skila þeim aftur út í samfélagið með því næst hámarks getu. Einstaklingar með viðvarandi einkenni og færnisskeröingu burfa langtímaeftirlit og utanumhald, sem illa er sinnt og í raun ekki í boði.


Við undirrituð óskum eftir stuðningi heilbrigðisráðherra og Velferðarráðuneytisins við að byggja upp betri og aðgengilegri þjónustu fyrir þennan hóp. Það fjármagn sem lagt yrði í verkefnið myndi skila sér margfalt til baka til samfélagsins. Við hvetjum heilbrigðisráðherra til að skipa sem fyrst nefnd, með aðkomu fagaðila og annarra hagsmunaaðila, til að vinna að heildarstefnumótun í málefnum fólks með ákominn heilaskaða. Þá leggjum við til að nefndin kortleggi þá þjónustu og úrræði sem nú þegar eru í boði og komi með tillögur að bættri þjónustu hvað varðar greiningu, endurhæfingu og langtímastuðningi. Við óskum enn fremur eftir stuðningi allra þingmanna við þetta brýna mál og því sendum við afrit til þeirra.

Virðingarfyllst


f.h. Grensásdeilda LSH -
Guðbjörg Ludvigsdóttir yfirlæknir





f.h. Reykjalandar -
Guðrún Karlsdóttir yfirlæknir




f.h. VIRK
starfsendurhæfingarsjóðs -
Smári Pálsson
taugasálfræðingur




Dr. Jónas G. Halldórsson taugasálfræðingur


f.h. Hugarfars – félags
fólks með ákominn
heilaskaða, aðstandenda og áhugafólks um
málefnið – Guðrún Harpa Heimisdóttir formaður




f.h. Fagráðs um heilaskaða – Pórunn Hanna
Halldórsdóttir, formaður og talmeinafræðingur